

**სსიპ „იუსტიციის სახლის“ აღმასრულებელი დირექტორის 2019 წლის 12 ივლისის №632/ს ბრძანებით
შექმნილი სატენდერო კომისიის სხდომის
ოქმი №1**

სსიპ "იუსტიციის სახლის" ფილიალის - ქუთაისის იუსტიციის სახლისთვის დასუფთავებისა და სანიტარული
მომსახურების სახელმწიფო შესყიდვის ელექტრონული ტენდერი

ქ. თბილისი

15 ნოემბერი 2019 წელი

სხდომას ესწრებოდნენ:

სატენდერო კომისიის თავმჯდომარე:

ავთანდილ კობერიძე - სსიპ „იუსტიციის სახლის“ აღმასრულებელი დირექტორის მოადგილე (ფინანსების დირექტორი)

კომისიის წევრები:

ნატალია აბაშაძე - სსიპ „იუსტიციის სახლის“ აღმასრულებელი დირექტორის მოადგილე (ოპერაციების დირექტორი)

შალვა ჯულაყიძე - სსიპ „იუსტიციის სახლის“ შესყიდვების სამსახურის უფროსი

ირაკლი ზარიძე - სსიპ „იუსტიციის სახლის“ ინფრასტრუქტურის განვითარებისა და ლოჯისტიკის სამსახურის უფროსი

სატენდერო კომისიის აპარატის წევრი:

გვანცა სისოშვილი - სსიპ „იუსტიციის სახლის“ შესყიდვების სამსახურის მრჩეველი

დღის წესრიგი:

სსიპ „იუსტიციის სახლის“ 2020 წლის საკუთარი შემოსავლების ფარგლებში, სსიპ "იუსტიციის სახლის" ფილიალის - ქუთაისის იუსტიციის სახლისთვის დასუფთავებისა და სანიტარული მომსახურების სახელმწიფო შესყიდვის (CPV 90910000 - მომსახურებები დასუფთავების სფეროში) მიზნით გამოსაცხადებელი ელექტრონული ტენდერის აუქციონის გარეშე (NAT) სატენდერო დოკუმენტაციის და სატენდერო განცხადების პროექტის განხილვა-დამტკიცება და კომისიაში დამხმარე სპეციალისტ(ებ)ის მოწვევის საკითხის განხილვა.

მსჯელობა:

- 1) სატენდერო კომისიის წევრებმა განიხილეს ტექნიკური დავალების შესაბამისად სისტემაში ელექტრონულად შევსებული სატენდერო დოკუმენტაციის პროექტი და სატენდერო განცხადება;
- 2) ბაზრის კვლევის შედეგებისა და წინა წლის გამოცდილების გათვალისწინებით, მიზანშეწონილად იქნა მიჩნეული, შესყიდვის სავარაუდო ღირებულება განისაზღვროს **78 813.00 (სამოცდათვრამეტი ათას რვაას ცამეტი)** ლარის ოდენობით დღგ-ს გარეშე;
- 3) სატენდერო კომისიის წევრების მოსაზრებით, მიზანშეწონილია, ზემოაღნიშნულ ტენდერში აუქციონის გარეშე (NAT) ყველაზე დაბალი ფასის მქონე პრეტენდენტის შემოთავაზება, ტენდერისთვის სტატუსის - „წინადადების მიღება დასრულებულია“ მინიჭებიდან არაუგვიანეს 3 სამუშაო დღისა, განიხილოს სსიპ „იუსტიციის სახლის“ ინფრასტრუქტურის განვითარებისა და ლოჯისტიკის სამსახურის სპეციალისტ(ებ)მა და წარმოადგინოს შესაბამისი წერილობითი დასკვნა სატენდერო კომისიაზე განსახილველად.

კენჭისყრა:

სატენდერო კომისიის წევრების მიერ ერთხმად მოწონებული იქნა სატენდერო დოკუმენტაციის და სატენდერო განცხადების პროექტი.

დაადგინეს:

1. სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული ელექტრონული ტენდერის ჩატარების წესის მე-15 მუხლის მე-2 პუნქტის შესაბამისად დამტკიცდეს ელექტრონული ტენდერის გამოცხადების შესახებ სატენდერო განცხადება და სატენდერო დოკუმენტაცია თანდართული სახით;
2. სახელმწიფო შესყიდვების შესახებ საქართველოს კანონის მე-11 მუხლის მე-5 პუნქტის შესაბამისად, სატენდერო კომისიაში ექსპერტ(ებ)ად სათათბირო ხმის უფლებით მოწვეულ იქნეს სსიპ „იუსტიციის სახლის“ ინფრასტრუქტურის განვითარებისა და ლოჯისტიკის სამსახურის სპეციალისტ(ებ)ი შესაბამისი სპეციალისტ(ებ)ი;
3. დაევალოს სატენდერო კომისიის აპარატს არაუგვიანეს 3 (სამი) სამუშაო დღის ვადაში უზრუნველყოს სატენდერო განცხადების და სატენდერო დოკუმენტაციის გამოქვეყნება სახელმწიფო შესყიდვების ერთიან ელექტრონულ სისტემაში.

წინამდებარე ოქმი ხელმოწერილია დამსწრე კომისიის წევრებისა და აპარატის წევრების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-4 პუნქტის შესაბამისად, კვალიფიციური ელექტრონული ხელმოწერით.